



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00439 pillugu sisamangornermi ulloq 12. november 2009-mi aalajangiinera pillugu Naalakkersuisunut ilisimatitsineq

Aningaasaliissutinik Nuummi Tasiilamilu inissianik aningaasalersuinissamut immikkoortinneqarsimasunik nuussinissaq

Naalakkersuisut **inassutigaa**:

- kontomi pingaarnermi 87.72.26-imi, Kommunit inissialiornermut aningaasalersuinerannut tapiissutinut tunngasumi, suliasamat nr. 060.93.001-imut, Nuummi kommunip inissialiornermut aningaasalersuineranut tunngasumi, 2008-mi aningaasaliissutit 11,0 mio. koruuninik ikilineqassasut
- kontomi pingaarnermi 87.72.24-imi, Inissiat attartortittakkat isateriaannangorsimasut kommuninut tunniunneqarnerannut tunngasumi, suliasamat nr. 060.92.001-imut, Nuummi Tuujummi inissiat isatigassanngorlugit kommunimut tunniunneqarnerannut tunngasumut, aningaasaliissutit 31,8 mio. koruuninik ikilineqassasut
- kontomi pingaarnermi 87.72.21-imi, Inissianik kommuninit attartortitassanik tapiissutitalimmik sanaartornermut tunngasumi, suliasamat nr. 996.32.090-imut, Inissianik kommuninit attartortitassanik tapiissutitalimmik sanaartornermut tunngasumut, 2009-mi aningaasaliissutit 42,8 mio. koruuninik amerlineqassasut.

Aningaasaqarnermut Ataatsimiititaliap oqaaseqaatai

Nuummi Qinnorpumi Pisissiami Tasiilamilu inissianik sanaartornissap aallartinneqarnissaa siunertaralugu sanaartornermut aningaasanik nuussinissaq suliami matumani Naalakkersuisut qinnutigaa.

Isummernissamat tunngavissiami takussutissiaq 1 malillugu Nuummi sanaartornerup ima agguataarneqarnissaa naatsorsuutigineqarpoq:

Takussutissiaq 1: Nuummi Pisissiani inissianut 72-inut tapiissutit

Amerl.	Angiss.	Iniss.ataats.tapiiss.	Katillugit	Aningaasaliiffissat
16	71,98	683.830	10.941.280	m ² -imut tapiissutit
14	71,98	388.692	5.441.688	5.400 kr. pr. m ² .
18	86,69	468.126	8.426.268	5.400 kr. pr. m ² .
18	120,19	649.026	11.682.468	5.400 kr. pr. m ² .
6	134,9	728.460	4.370.760	5.400 kr. pr. m ² .
72		Tapiissutit katill.	40.862.464	

Suliami aalajangiisoqartinnagu apeqqutit makku Naalackersuisunut saqqummiunneqarnissaat Aningaasaqarnermut Ataatsimiititaliamit kissaatigineqarpoq:

1. Inissiani siuliani taaneqartuni init qassiussappat?
2. Inissiat ilaasa angisoorujussuunerannut (120-134 kvadratmeter) suna pissutaava – inissiat tallimanik-arfinilinnik initallit pineqarpat?
3. Inissianut assigiinngitsunut ataasiakkaanut utaqqisutut nalunaarsorneqarsimasunut sanilliullugu inissiat agguataarnissaannut (marlunnik, pingasunik, sisamanik il.il. initallit) siunnersuutigineqartoq qanoq naapertuuppa?

Aningaasaqarnermut Ataatsimiititaliap aalajangiinera

Apeqqutit siuliani allassimasut akissuteqarfigineqarnissaasa utaqqimaarneqarnissaat siunertaralugu Naalackersuisunit inassuteqaatit isummerfiginissaat Aningaasaqarnermut Ataatsimiititaliap **kinguartippaa**. Apeqqutinut siuliani allassimasunut Naalackersuisut akissutaat kalaallisut danskisullu sapinngisamik piaartumik nassiuteqquneqarput qarasaasiakkullu akissut uunga nassiuteqquneqarluni: nch@inatsisartut.gl.

Aningaasaqarnermut Ataatsimiititaliaq sinnerlugu

Naaja Nathanielsen
Aningaasaqarnermut Ataatsimiititaliap siulittaasua